

B. N. C.

FIRENZE

1082

15



1082 15



1082  
15

XXVII.

#

Bards, RICCI

ad Princip.

Christ. Ordo

[Furor, Poss.]



1382. 45

BARTH. RICCI ORATIO  
QVA PRINC.

CHRISTIANOS HORTATUR  
AD SUMMA ANIMORVM  
CONIUNCTIONE  
arma in Turcarum Re-  
gem fumenda .

Pio V. Pont. Max.  
INSCRIPTA.



M. D. LXVI.





БЕЛЫЙ АЛТЫН

О. А. БРИК

ХРИСТИАНСКОЕ ПОСЛАНИЕ

АД СЛАВУ АКАДЕМИИ

САНКТ-ПЕТЕРБУРГА

ВЪЗНЕСЕНІЮ

СВЯТЫМЪ

Р. В. П. М. М.

ИЗДАНИЕ



М. Д. ЛЕВ

Pio V. Pont. Max.

Barth. Riccius S. D.



*UM viderem S. Pō-  
tifex, quanto furore,  
quid. n. dicam quan-  
to apparatu? Rex Thracum  
iterum in Christianā Remp. ra-  
bioſe inferretur, qui vix à Me-  
litenſi obſidione diſcedens, in Pā-  
noniam, multo maiores copias  
ad nouum bellum inferendum,  
traijceret, atq; Christianis vnā  
tantum concordiam ad tantū  
hoſtem infringendum deſidera-  
ri perſpicerem. eorum Prin. ad  
hanc vnā in primis inter ſe  
conciliandā, hac oratione ſum-  
pie*

pie cohortatus: hoc est, ut quem  
admodum iam pridem ciuilia  
arma deposuissent, ita etiam si  
quid forte simultatis adhuc in  
eorum animis resideret, eo quo-  
que prorsus omisso, vere, atque  
christiane in istum crudeliss. ac  
sempiternum hostem suum con-  
spirarent. ad cuius sanctioris fœ-  
deris firmiorem rationem stabi-  
liendam, ut ipse quoque fidem,  
atq<sub>3</sub> auctoritatem tuam inter-  
poneres, te omnibus precibus ro-  
gabam, atq<sub>3</sub> orabam. qua una  
postea animorum certiss. consen-  
sione armati, nihil dubitandum  
erat, quin istum atrocissimum  
hostem etiam, q<sub>3</sub> est, duplo poten-  
tio-

tiorem, facile superarent. hanc  
 autem cum illis mittere cupe-  
 rem, ratus sum multo maiore  
 cum dignitatem, tum etiam au-  
 ctoritatem apud eos habituram,  
 si eam sub alicuius magni & vi-  
 ri, & Principis nomine mitterem.  
 quam meam sententiam, cum  
 ego cum Hippolyto Atestio Car-  
 dinali ampliss. communicarem,  
 continuo ille, quæ sua summa in-  
 te est observantia, quemq; uni-  
 ce semper dilexit, ut sub tuo sã-  
 ctitatis nomine illam diuulga-  
 rem, mihi proposuit. quo fideliss.  
 atque prudentiss. cõsilio compro-  
 bato, abiecta omni mea humili-  
 tate, atq; cum tanti Pr. ampli-  
 tudine

tudine tuam humanitatē, quā  
quotidie, vel potius in dies sin-  
gulos, in cuiusque generis homi-  
nes declarare non cessas, fideli-  
ter coniungens, hāc (ut vides)  
sub tuo nomine publice descri-  
ptā edidi. Utinam vero Deus  
opt. max. faceret, ut quo ego il-  
lam animo scripsi, eo quoque ab  
illis acciperetur, atque in ea tā-  
ta vis esset, quanta ad tantam  
rem persuadendam opus esset.  
Sed vel nihil ea opus fuerit ad  
eorum integriorem concordia  
conciliandam, vel sane ieiune,  
atque exiliter, quod fortasse ve-  
rius est, perorata sit. mihi tamē  
homini duode lxxx. annos nato  
satis

satis esse poterit, me cum honestiss. causa, eaq<sup>q</sup> christianiss. animum habere coniunctiss. declarasse. Quo Deum opt max. rogo, ut te, quem ipse solus gregi suo Pastorem proxime delegit, ac quasi de cælo in summo eius periculo demisit, diutius in illius custodia cōseruet. interim Christiane (ut facis) Vale.

Ferrariæ XV. Cal. Septembris  
M. D. LXVI.

After the death of King  
Richard the first, the  
Barons of the Kingdom  
chose Henry the third  
to be King of England  
and France. He was  
a young man, and the  
Barons put a seal on  
his letters, and made  
him do as they pleased.  
The King was angry  
at this, and he fought  
with the Barons. He  
was called the  
Lionheart, because he  
was a brave man.  
He fought many battles,  
and he was a great  
warrior. He was  
killed in a battle with  
the French. He was  
a good King, and he  
loved his people.

1-5

# Barth. Riccij ad Principes Christianos Oratio.



VPEREM equidem Cæsar in-  
uictiss. Reges, ac Principes am-  
plissimi, vt hodie mihi apud  
vos tantum cum auctoritatis,  
tum etiam eloquētiæ daretur,  
quantum rei ipsius, de qua ac-  
turus sum, magnitudini, ac vestræ summæ con-  
ueniret amplitudini. dicendum est enim de su-  
scipiendo bello, aduersus Thracum Regem, atro-  
ciss. religionis nostræ hostem, idque apud eum  
Principum senatum, cuius consilio, atque pru-  
dentia tota Resp. Christiana fæliciter guberna-  
tur: ad cuius rei grauitatem sustinendam, Cæ-  
sare Imperatore, ad eam verò splendide perorā-  
dam, Cicerone peropus esset Oratore. Sed nihil  
tamen vereor, quin pro vestra summa humani-  
tate alterum ipsi meæ senectuti, atque huic ca-  
nitiei sitis libenter condonaturi: qui non vt vo-  
bis prudentissimis Principibus consilium darē,  
hanc prouinciā suscepi, sed quia faciliè duxi, cū  
quæ de me audiretis, omnibus notissima essent,  
ea item quasi ab omni Christianorum conuentu  
audire putaretis. Alterum ego vt à meo dicē-  
di veteri instituto obtineā, omni studio, atque di-  
ligentiā contendam. Primum igitur, vt suo rem  
ordine persequar, vnde tantum bellum ortū sit.

a

Deinde



Deinde de eius magnitudine, atque necessitate dicam. Postremo vero ad concordiam inter vos conciliandam, vos Christianè cohortabor. Ac quod ad causam, ea quidem multiplex esse videtur, aut enim iste bellum hoc mouet, vt solus regnet. id quod etiam in proprijs filijs declarauit, quos cum primū aliquod virtutis specimen dare vidisset, statim, ne sibi mortem regnandi causa machinarentur, de medio tollēdos nefariè curauit. aut natiuo odio in nostrā religionem inflam matus, vt eam deleat, atq; perdat, omni studio, atq; contentione conatur. Sed neq; ea quoq; leuissima causa videri potest, q, cum superiori anno magnam cladē apud Melitam Insulam à nostris accepiſſet, atq; si ab ijs paulò fidentius actum eſſet, cum vniuersis copijs classem CL. triremium, totidem nauium cuiusq; generis ceterarum amiſiſſet, ratus hoc modo eam probè vlciſci poſſe, si hoc ſequenti anno tantas copias in Pannonem armaſſet, ac quod ignominia à Melitēſibus accepiſſet, id in Pannonū calamitatibus vindicaſſet, in hanc tantam belli molem exarſit. certē, quam obſcere poſſit, nulla à nostris laceſſitus eſt iniuria, niſi id iniuriæ loco ducat, quod noſtri vniuerſam eius, ac benè magnam classem ad Melitam auſugere permiſerint, aut quia Melitenſes ſe ſe capi non ſiuerint, neque eius ſauitiæ cruci ſuffigendos dederint. Vt ſi quid in omnibus rebus cauſæ haneſtas, ac ratio valeat,

valeat, vobis in hoc bello, quod nulla vestra cau-  
 sa conflatur: sed tantum hostis siue auaritia, si-  
 ue superbia, siue in Deum nostrum rabie infer-  
 tur, plurimum sperandum sit. nam si Deus in-  
 nocentes aduersus impios, atque omnis sceleris  
 affines tueri solet, neque sui contemptum, atque  
 probrosam iniuriam diu inultam auferri permit-  
 tit, vtraque de causa, hoc est & vestra innocen-  
 tia, & Dei veri in suam religionem auxilio ho-  
 stem vicistis, atque fudistis. Hac vero sunt,  
 quæ ad causam spectant. Iam de genere belli  
 dicendum est. hoc quidem maximum est, maxi-  
 meque periculosum: nam, quæ inter vos olim  
 magno cum vestro detrimento, atque summo cū  
 dedecore in Gallia, in Germania, in Italia sæ-  
 pius gesta sunt bella, ea quidem minime parua,  
 neque sine summa crudelitate, vt quæ Christia-  
 no vtrunque sanguine semper exundarint, præ  
 hoc vno leuissimæ, atque mitissimæ pugnae, ac  
 quasi præliorum simulachra videri possunt: si  
 quidem in hoc eum hostem habetis, qui potentia  
 atq; omni bellico apparatu ceteros Reges, Prin-  
 cipes, ac populos terra, mariq; longè superat.  
 Qui equites ad CCC. millia, pedites sine nume-  
 ro vno tñ nuntio, atque vna literarum signifi-  
 catione ex suis regnis in aciem cogit. Si verò  
 res mari gerenda sit, classem CC. triremium,  
 nantium præterea innumerabilium educit opti-  
 mè instructam, atque exornatam. Aerarium  
 verò, quod belli neruum appellant, quàm reges

cateri simul vna, auro multo habet refertius .  
 Huc accedit, q̃ in re gerenda principatū tenet,  
 q̃ solus est in deliberando, atq; imperando, qui-  
 que, quod semel decreuerit, id pro effecto velit:  
 neque enim hic aut secū discordat, aut ad cuius-  
 quā alterius sententiam suam commutat sentē-  
 tiam; multoq; minus veretur, ne à socijs in me-  
 dio conflictu destituatur, atque iam parta victo-  
 ria hostibus sceleratè prodatur, ac manifestè of-  
 feratur. Quæ omnia cum per se (vt videtis)  
 sint maxima, ac quibus nulla res tam difficilis  
 occurrere possit, quin facillima fiat . vna ta-  
 men fortuna, quæ in omnibus rebus, præsertim  
 in bellicis maximè dominatur, ita cum huius  
 potentia coniuncta est, itaq; huic studet, atque  
 obtemperat, vt quasi ea quoque illi parere vi-  
 deatur, scitur . n. atq; nostro magno cum omniū  
 dolore scitur, istum nullum ferè bellum suscepisse,  
 quod etiam feliciter, atque vt secum animo  
 constituerat, cum summa gloria non confecerit.  
 vt etiam si fortè aliquando hæc illi non arri-  
 serit, victoriamque in manus non tradiderit,  
 non ita tamen eum afflictū destituerit, vt pau-  
 lō post in pugnam redire, nouumq; bellum com-  
 parare non ausus sit, sicuti nunc vobiscum agit,  
 quos ab afflictā superioris anni ad Melitam for-  
 tuna, multo etiam paratior adoriri minatur .  
 Quibus duabus rebus iampridem veteri Impe-  
 rio propè totam Asiam, Africæ verò, atque Eu-  
 ropæ non paruam partem adiunxit . Quibus  
 autem

autem nō imperāt, ab ijs annuum tributum exi-  
git . Vt quos suo nomine (quid enim amplius,  
aut grauius dici potest ? ) ab omnibus omniū  
iniurijs tutos, atque illæsos conseruet . Quæ  
omnia quantum hoc bellum futurum sit , facile  
declarant . vt quod à potentissimo rege, aut glo-  
riæ cupiditate allecto, aut habēdi auiditate tra-  
cto, aut delendæ maculæ, quam ad Melitā acce-  
perat, flagranti, desiderio vel simul ab oībus cū  
ea, quam diximus fortunæ felicitate, totum pro-  
ficiscitur . Hæc verò de magnitudine belli. nūc  
de necessitate pauca dicam . Huius autem du-  
plex genus est, alterum eorum, quæ aliter fieri  
non possunt, vt qui semel natus sit, is aliquan-  
do vt moriatur necesse est. alterum cum res ita  
vrget, vt parum à necessitate distare videatur,  
vt in hoc, de quo agitur, bello : nam cum duobus  
modis bellū geratur, alterū, cū ipsi inferimus,  
alterum cum nobis infertur; inferamus nec ne,  
in nostra manu positum est . quod autem infer-  
tur, non ita : aut enim id suscipiendum est, aut  
hosti nos, nostraq; sunt dedenda . Quoniam  
verò omnibus persuasum est; vos vestra regna  
nulli esse tradituros, necessario sequitur , vt pro  
ijs retinendis aduersus eum , qui illa vobis au-  
ferre conatur, arma capiat, atque simul vnā  
viriliter defendatis . Cui vestræ priuatæ neces-  
sitati id quoq; publicæ necessitatis accedit, q̄ ex  
hoc ipso bello vniuersæ Christianæ Reipub. ma-  
ximum imminet exitium . Pannonia enim su-  
perata

perata in Germaniam, indè in Italiam, in Galliam, atque in totam Europam patentiss. hostis habebit aditum: qui omnia barbarica, ac plus, quam thracica sœuitia consumens villas amœniss. Urbes regias, atque in ijs Tempia Deorum immortalium igni, ferroque deuastabit. quibus externorum bonorum ruinis, atque intericionibus id, quod omnium maximum est, maximeq; impium accedit, quòd veri Dei cultus, atq; religio ppe tota est interitura: nam cū hæc hodie inter suos parum constet, atq; in dies magis corruere videatur, vt in qua iam quisq; ad sui animi sententiam sentiat, & agat. Quid autem sperandum, si cum indulgentiss. viuendi ratione summa sit hostis coniuncta pôtentia? Videre videor (quod Deus ipse auertat) continuò omnes ad præsentem statum suas actiones conuersuros, nihil de se post mortem credituros, atque curaturos: quo vno sublato vniuersa quoque viuendi sanctior ratio sublata est. Dei Christi nulla fides relinquetur. omnia in Thracicam luxuriam transferentur: vt vndiq; cum magnum, tum etiam multiplici periculo bellum hoc maximè necessarium sit, cuiq; à vobis fortiter occurratur. Quod bellum etsi aduersus eum hostem sitis gesturi: cui cum ab omnibus rebus (quod sæpius cum meo summo dolore dico) tum à fortuna ipsa omnia suppetant, non is tamen ita magnus, itaq; fortunatus est, quin à vobis reprimi, atque etiam superari possit:

7

possit : nam si utriusque vires conferantur, vestrae quidem, si ex aqua portione cogantur, multis partibus sunt maiores . ille equorum celeritate praestat, vos in statarijs equis firmiores pugnatis . Ille ex peditatu maiorem partem in operis, quam in pugnis exercendis habet conductam, vos omnem vestrum ad pugnandum selectum, ac factum . ille, qui temere, atque nullo militari ordine in pugnam irruant, vos, qui & usu, & scientia decertent, milites habetis peritiores . ille in vos, atque in vestram religionem summo nativo odio incensus infertur, vos contra cum natura ipsa, tum quotidianis, ac maximis iniurijs affecti multo in illum ardentiores occurretis. Hoc vero vobis est amplius, quod iste domum usque ad vos lacescedos quotidie insolentius accurrit. in quo praeter bestiarum, ac hominum ingentem praedam auctam, turpissima Christiano nomini inuritur macula . Si vero arma spectentur, quid sagittarii cum tormentarijs? praesertim illis, quos Ferraiolos appellatis? Quid item nudus cum optime loricatis? Tormentorum autem, ut vestrum est inuentum, ita etiam ijs melius, quam ceterae gentes uti didicistis . quibus omnibus rebus constat magis isti a vobis, quam ab hoc vobis esse metuendum . Quod vero ad eius perpetuam fortunae felicitatem at tinet, non hac ita quoque formidandus est, ut continuò abiectis armis illi absenti vos, vestraeque dedatis, atque ad eum domum usque ad duriss.



duriss. condiciones accipiendas legatos supplici-  
 ter mittatis : nam, si hac suæ inconstantis natu-  
 ræ prorsus obliuisci uolit, neque in vno statu per-  
 petuo permansura sit, iam non longius abesse po-  
 test, cum ab hoc se se auertat, atque reflare a-  
 crius incipiat. cuius rei proximè ad Melitam  
 non paruum signum dedisse videtur. Quin  
 etiam quanto felicior, atque diuturnior in hoc  
 extitit extollendo, tantò in hoc eodem inferius  
 deprimendo, vt contēdat, par sequitur ratio.  
 Tametsi isti quoque potentiss. aduersariæ à pru-  
 dentiss. viris suo iudicio sapius occursum esse,  
 in omnibus historijs legitur : non enim semper  
 quod alteri feliciter succedit, magis eius for-  
 tunæ, quàm alienæ imprudentiæ attribuendū est,  
 id quod in vobis admitti non potest, qui & vi-  
 dendo plurimum, & experiundo non minimum  
 profecistis: continuò enim ne tumultus in vestro  
 exercitu excitetur, vt nationes amicæ inter se  
 conueniant, atque vt sua certa militibus stipen-  
 dia dissoluantur, resq; omnes, quæ ad victum,  
 atque ad reliquum militiæ vsum necessariae sunt  
 suppeditentur, optimè curabitis. In locis ve-  
 ro siue ad castrorum positionem deligendis, si-  
 ue ad signa ipsa conferenda, vt qui domi vestræ  
 rem geritis : quæ vobis æqua, quæ hosti iniqua  
 sint, commodè capietis. qua item ratione agmē  
 ducatur, quaque acies instruatur : qui in primo  
 loco, qui in medio, qui in postremo collocentur :  
 vtrum vna tantum acie, an multis pugnandum  
 sit,

sit, prudenter animaduertetis . Vbi tormenta  
 siue maiora, siue minora apte collocentur , non  
 ignorabitis . Quibus dolis hostis sit fallendus .  
 Quando fessis recentiores sint summittendi, ac  
 quousque hostem fugientem insectandum, quan-  
 do receptui canendum, & cætera multa, quæ, ne  
 vobis alter phormio videri possim, summæ ve-  
 stræ in re militari scientiæ, atque exercitationi  
 relinquo , atque ad eam animorum vestrorum  
 consensionem , quæ tertio in loco à nobis initio  
 proposita fuerat, pertractandam, atque quanta  
 eius vis sit, explicandum redeo . Continuo igitur  
 id ab omnibus omnium ætatum in tritam  
 sententiam usurpatum, atq; comprobatum est,  
 res paruas concordia maxime crescere , maxi-  
 mas vero discordia dilabi, atque ad nihilum re-  
 digi; vt quotidie cum in re priuata, tum in pu-  
 blica administranda cernitur . Quare fit , vt  
 vbi quis solus rem gerat , modo is eius scientiã  
 optimam habeat, eam tenuiss. ad omnem cumu-  
 lum adaugeat . contra vero , vbi plures admi-  
 nistrent, quorum sententiæ nõ conueniant, eam  
 quam maximam dissipent , atque disperdant .  
 Itaq; resp. quoad earum Principes inter se con-  
 gruunt, atque in vnã sententiam conueniunt,  
 non solum in Imperio feliciter permanent : sed  
 cæteris etiam perpetuo imperant . vbi vero in-  
 ter eos dissensio exorta est , breui ad interitum  
 corruunt . Quam vim prudentiss. ille pater in  
 virgarum fasciculo suis filijs demonstrauit: quas



simul vna arte colligatas nullus eorum omni  
 conatu infringere, singulas autem quisque facil  
 lime potuit. Vtinam autem hoc ipsum cum reip.  
 Christianæ summa calamitate eius Principum  
 dissenſio ante ſemper teſtata non eſſet, atque et  
 longius teſtari non pergeret: qui cum nunquam  
 aduerſus Thracum iſtum Regem ſuum atrociff.  
 hoſtem verè inter ſe conueniſſent, de ea tanta  
 terra, mariq; diminutio facta eſt, vt pudeat re-  
 cenſere: quem non propria vires, aut bellica vir-  
 tus, ſed noſtra diſcordia potentiſſ. atque victo-  
 rem ſemper reddidit. Ignoscite Principes Chri-  
 ſtiani, ſi paulò liberius nunc vobiſcum agam:  
 res. n. tam manifeſta eſt, vt diſſimulari, tamque  
 iniqua, vt non accuſari, niſi improbè, non queat.  
 Vos vos (inquam) ſoli iſtius belli cauſa eſtis:  
 qui hoſtem veſtrū veſtris diſcordijs non ſolum  
 vobis ad bellum inferendum inuitatis: ſed etiā  
 cogitis. à vobis, inquam, quicquid abiſto reip.  
 Chriſtianæ indignæ calamitatis accidit, quic-  
 quid ſeruitutis, quicquid incendiij, rapinæ, cædis,  
 omne proficiſcitur. Qui ſi vt nomine coniuncti  
 eſtis Chriſtiano, ita animis in Chriſtianam ſalu-  
 tem conſentiretis, iſte non ſolum veſtros fines  
 nunquam attigiſſet: ſed neque intra ſuos ſe tu-  
 tum, atque ſecurum credidiſſet. ſcitis. n. quam  
 impiè ſuperioribus annis uſque ad Romæ ( ne  
 quid altiſſ. repetam à Neapolitanis, atque In-  
 ſubribus bellis) nefariam ſpoliationem ſeuiſtis.  
 n. qua omnia ſacra, profana æque diripuiſtis,

atque

atq; vexastis. sacris virginibus vim attulistis. summum Pont. obsessum summo pretio redimi iussistis. Proximè verò in Hetruria omnia subuertistis. In Germania in Carolum V. Imperatorem tanta, tamq; iniqua facta est coniuratio: vt parum abfuerit, quin sepius caperetur. De Gallia quid aliud dicam, quam qd hoc etiam tempore misera ex superioribus perpetui belli incendijs deflet, atque lamentatur. Thraces interim occasione arrepta hoc anno hanc continētis partem bene magnam, atq; frugiferam, alio locupletis. Insulam, aliàs vtrumq; à vobis inter vos pugnantibus auferre non cessat. Vt iam eo vêtum sit: vbi de summa rei dimicetur. Quare vobis fraternè prouidendum est, ne iste semper vestra discordia, vestris simultatibus, vestris intestinis odijs magis, quam proprijs viribus armatus vos opprimat, atque isto vestro potentissimo prasidio fultus, hunc hodie, cras illum, aliàs alium de nobilissimo, atque maiorum suorum Imperio deiiciat, atq; excludat. id, quod nunc eo quoque multo facilius facietis, vt qui iam sextum annum in summo ocio, atque concordia tranquillissime agitis. Considerate, vos rogo, diligenter, quæ vestra nunc conditio sit, quæq; tum esset, si (quod Deus auertat) id acciderat, vt ex summo felicitatis statu ad miserā. atque infimæ vitæ conditionem delabamini. si à regijs vestris commodis, atque veteri imperandi auctoritate ad omnem egestatem, atque ad.

b ij paren-

parendum deijciamini. Ego vestra causa hanc calamitatem reputans totus contremisco, neque dubito, quin vos, quorum res agitur propria, acrius commoveamini. Huic igitur viribus vestris hoc modo multo maioribus obuiam ite. Summae verò fortunæ vestra summa prudentia occurrите. Coite animis, dum vobis integrum est, neque re in illud tempus differte: quo vos magis istius dissidij sit pœnitendū, quam cum ad vestris opitulandum, quæ facultas detur, conquirendum atque conquerendum; vosq; eo fœdere simul vna coniungite, quod nulla regni cupiditas, nulla veteris odij memoria, nulla hostis potens sollicitatio, atque corruptio quicquam violare possit. Quin, vti pleriq; vestrum post naturales propinquitates, arctiss. etiam affinitatibus coniuncti estis; ita etiam paribus animorum coniunctionibus, ac quāto corpore nobilior est animus, tanto eius etiam sanctioribus vinculis deuincimini. qui vero superioris generis nullo nodo continentur, certè in vna Christi religione, in vna eius Dei filij confessione, cerimonijs, atque viuendi communibus institutis, ac legibus vobiscum sunt coniunctissimi. Quare omnes in hanc sanctissimam, maximeq; necessariam consensionem conuenire debetis, in qua cum vestra, omnium simul vestrorum, atque totius reip. Christianæ salus continetur. Ego opt. ac fortiss. Principes existimo, si vnquam aliàs hac vestra animorum concordia, atq; virium coniunctio reipub.

Chri-

Christianæ opem asferre potuit, eam hoc tempo-  
 re omnium maximam illi asferre posse, quo ho-  
 stis, si non omnes copias, certè maiorem, ac me-  
 liorem partem in certiss. periculum adducit.  
 hoc. n. nunc prorsus deuictò, aut triumphum de  
 illo ducetis, aut assiduus istius incurSIONIBUS, at-  
 que altero quoque anno tetrerrimo bello, quod  
 miserrimum est, vos, vestrosq; populos feliciter  
 liberabitis. quibus, si ij estis, qui semper hono-  
 ris, & gloriæ cupidi fuistis, vbi eam illustriorē,  
 quam in hoc tanto hoste superato assequi possi-  
 tis, nulla amplior, atque certior facultas dari  
 potuit. Quin ingenti gloriæ ingentes etiam co-  
 piæ accedunt. statim. n. Christianis vrbibus re-  
 ceptis, alicnas, hoc est quas longiss. vsu hostis  
 suas sibi fecit, si non capietis, certè feraciss. ea-  
 rum agros depopulabimini, ac prædas ingentes do-  
 mum reportabitis. Quanta autem huiusce  
 animorum consensionis virtus sit, quantumque  
 valeat, bis nostra memoria (ne rem altius re-  
 petam) experti estis, semel, quo tempore istum  
 ipsum in Præusa (vt dicunt) portu conclusistis:  
 quam reliquam victoriam, quoniam non verè  
 coiueratis, cum summa vestra amisistis ignomi-  
 nia. Iterum cum ad Melitam fractus, vestra  
 item (ne quid grauius dicam) desidia, vel re-  
 mulco triremes remigibus, atque defensoribus  
 nudas trahentē, atque ex ornatiss. vestra classe  
 spectantes, aufugere permisistis. Coite tandem  
 ex toto animo, atq; ita, vt iste captus nullo ve-  
 stro

stro in vestros dolo, nulla vestra negligentia & manibus vestris elabatur. Induite hanc fortiss. armaturam, vel potius hosti vestro eripite; quam nulla ferri acies, nullus acutiss. mucro, nulla vis tormentaria, quicquam labefactabit. alter alteri concordēs adsitis, atque simul animis arctius coniuncti omnes hostem innadite. & captum postea retinete. sit satis à maioribus vestris odijs intestinis decertatum. satis vniuersa Europa sanguine Christiano inundarit. satis Tyrannus iste vestris discordijs exultarit. Mirum est P. Cr. quod in hanc sententiam breui dicam. Familiares rustici canes domi inter se ob rem cibariam dentibus dilacerantur. si vero interea alienum in aream ingredientem aspi ciunt, continuò relictis cibarijs ad eum omnes facto impetu discerptum accurrunt, atque illū rabiosis morsibus à suis laribus expellunt. Et vos, quibus ratio à natura, & à Deo opt. ad ceteros gubernandos prudentia data est, canibus imprudentiores eritis? qui quem videatis in vestrum regnum hostem armatum ingredientem vobiscum ob rem leuiss. pugnantes, ea saltē in hoc tempus seposita, vnanimēs in illum non irruetis? ac statim hunc à vestris fortunis nō procul repelletis? eos dentes, quos in vos rabiose exercetis, in sceleratiss. hostem non acuetis? non eum mordicus, cum arma desint, dilaniabitis? non vsque quaque à vestris finibus arcebitis? Verum si hoc à canibus sumere vos pudet,

hoc

hoc ipsum à prudentissimis viris, Aristide, & Themistocle honestius sumere licebit: nam cum ambo à sua Republ. legarentur, cum ex urbis porta exirent, Themistocli, inquit Aristides, hic Themistocles omnes nostras similitudines, (magnæ enim ab usque adolescentia inter eos inimicitie intercedebant) deponere possumus: ut Reipub. nostræ fideliores operam navemus, eas redeuntibus, si videbitur resumemus. id, quod Themistocles comprobavit, atque ita legationem suam, ut volebant, absoluerunt. hi vero, quod uni parvæ suæ Reipub. dedere, vos primum vestris latiss. atque nobiliss. regnis, deinde uni universæ Christianæ religioni dare negabitis? quod illi pro libertate tantum fecere, vos pro vestra, atque vestrorum omnium salute, atque incolumitate non facietis? vos, inquam, non tanto ardentius in hanc causam, quo ea maior, atque nobilior est, incumbetis? vos dolo, vos viribus, ingenio, loco, quaque ratione possitis teterrimum istum Deorum, atque hominum hostem, monstrum horrendum, pestem iam nimis latè serpentem superare, atque exterminare non contendetis? hanc unam virtutem: in qua certiss. vestra victoria, atque gloria constat, non amplexabimini? non in hanc unam omne vestrum studium, omnes vestros conatus, atque nervos conferetis? nolite quæso tam imprudentes esse, ut non videatis, quæ medio die clariora sunt, aut tam obstinato animo agere, ut crudele exitium rei

Christiana, atque vestris regnis vestra afferatis discordia. Vltarum iniuriarum Pr. ampliss. quanta sit voluptas, arbitror neminem latere. hac, & si inter vos vlciscendi ratio nulla diuina lege conceditur, vt qui fratri nostro omnes iniurias condonare iubeamur, in Traces tamen, atque aliena lege à Christiana agentes, hostes non solum datur, sed valde etiam commendatur. in hanc quoque præter summam gloriam, atque ingentes opes, vt conueniatis, si viri estis, necesse est. nam, si hanc vindictam contra Dei mandatum inter vos saeuere exercetis, quanto ardentius, in publicum istum Archipiratam, qui totam atatem suam quam longiss. in hominibus vestris terra, mariq; cum cadendis, tū cū suis fortunis in duriss. seruitutem rapiendis versatus est, exercere debetis? hac magis isto deuictō, atque ad interitum vltō, animos vestros, q̄ ipsius victoriæ gloria afficiet, atque maiori lætitia complebit. Grauissimis istius, atque diuturnis iniurijs à quibusdam etiam, atque adeo à vestris olim, multo acerbiores accedunt iniuriæ: qui vt licentiosius agerent, atque ad omnem appetitus titillationē vitam more belluarum traderent, à vestra sanctiori religione ad hostis immaniss. cerimonias vaniss. à nostro vero Deo Dei vero filio ad iniquiss. Sardanapalum colendum transfugere. hi quoque, aut in vestra victoria erunt grauiter puniendi, aut (quod magis placet) in viam reuocandi, erroremque suum

Chri-



Christianè edocendi . Quanta ea quoque erit voluptas, quam capietis, ex ijs, qui apud hostes duriss. seruiunt seruitutem, in suam pristinam libertatem per vos vindicatis? suisq; restitutis? quod quidem tam regium est, quam etiam vitam dare . Magnum quidem vestrum nomē est Pr. Christiani cum principatus dignitate, quo ceteris antecellitis, atque imperatis, tum etiam cognomento Christiano, cui nullum par gens vlla in terris asequi potest . in dignitate quidem, hoc est in regendis aequē vestris populis à vobis nihil desideratur : vt qui malos supplicio, bonos vestra gratia afficiatis. in cognomento vero hoc vnum tantum deesse videtur, vt amice, atque Christianè inter uos conueniatis, atque agatis : probè enim scitis Christum, vnde vos Christiani dicti estis, cum ad patrem in cælum ascenderet suis in primis pacem, atque, vt mutuo inter se diligerent reliquisse . Simulq; in omnibus difficultatibus, vt alius alij præsto adesset, cumq; onere leuaret, odijsq; atque belli loco charitatem reponeret, mandasse . Quare cum nomine Principes Christianos profiteamini, re ipsa quoque, vt idem præstetis necesse est; si Deo, vt ex suis, probari velitis. efficite tandem nobiliss. atque Christianiss. Principes, vt hic dies vestris ciuilibus odijs perpetuum finem, integerrimis autem reconciliationibus sanctissimum initium afferat, hoc à vobis populi vestri: quibus vt parētes omnia debetis,



exposcunt. hoc filij ipsi, quibus principatū estis ex ordine tradituri, iure postulant a quibus. hoc boni omnes, pueri, senes, viri, mulieres rogant, atque omnibus precibus orant, hoc vniuersa gens Christiana, sacerdotes cuiusque ordinis, cuiusque generis obsecrant, atque obtestantur. Christus denique ipse: qui vos primum suo sanguine per summum probrum, atque acerbissimum cruciatus ab hoste sempiterno liberauit, deinde in isto principatus altissimo gradu collocauit, omnes iniurias vestras, ut sibi condonetis, earum largissimam remunerationem ab eo expectantes, benignissimam commonefacit. Nolem postremo Principissimum hoc dicere, ne magis hostis ipsius emulatione, quam vestra virtute vos in hoc bellum cohortari viderer; sed non possum hoc quoque omnibus maximè notum præterire. Probè scitis, ut iste pro falsissimo sua religione, pro illo suo venefico, atque inpostore vaferrimo Maumeto ardentè pugnet, atque vti suis hunc vnicè extollendum, proque eius honore, ut vitam ipsam profundant, imperet; idque eos tam integrè præstare: ut pro illo turmatim in certissimo mortem irruant. Vos verò pro vestro, quem omnes, qui diuino spiritu ventura prædixerunt, Iesum Dei veri verum filium testati sunt. Quem tota eius vita diuina confirmat. Quem res supra omnem naturam ab eo non semel repetita comprobant. Qui post ascensum ad patrem suum multo etiam maiora in suis idiotis, atque infirmis

conditionis hominibus fecit . Vos,inquam, pro hoc non in vnum conuenietis ad eius cultū conseruandum, atque tuendum ? non pro illo, non dico fortunas vestras, regna, salutem ipsam vel morti ipsi non obijciatis ? cui tantum debetis , vt cum omnem illi gratiam retuleritis , ea semper tamen apud vos integra sit permansura ? nō vestra inquam odia, vestras simaltates seponetis ? non simul fraternē conuenietis, vt multi numero vna sitis sententia , atque animo ? In istum, in istum quantum, quantum veteris in vestris animis residet odij , conuertite , vestras vniuersas iniurias in isto vno discerpto vlcisci mini . in hac sanctiss. ira Christum ipsum imitami, qui patris sui templi contaminatores loris inuasit, atque illos ex eo precipites exturbauit. vos ita istum Christi ipsius religionis contemptorem, atq; euerforem omni genere armorum simul vnā in ipsum Christum Christianē conspirantes de regno , atque de vita deijcite . In-  
cumbite in hanc quoque Christi nostri defensionem , atque in eam tanto ardentius, quanto ea est omnibus regnis sine comparatione anteponendam . In qua neque ipse Deus vobis deerit, causamq; suam deseret : quo vno adiutore omnes potentiss. Pharaones estis facile superaturi. Tuq; Pater sanctiss. (tecū. n. nunc ago vbi vbi sis) Quinte Pie , quem Deus ad hanc tantam Ecclesiæ suæ gloriam proximē delegit, ac propē de suo cælo demisit, per istum, in quo Dei ipsius

*Vicarius es constitutus, locum, rogo, atque oro  
 ut tuam istis fidem interponas, atque illis qua-  
 si obsidis loco des, si quis forte parum socio fidat  
 vnumquemque in fide sua integre permansu-  
 rum, potius regnum, atque vitam ipsam desertu-  
 rum, quā eam integerrime nō esse præstaturum,  
 neque quicquam in priuatum commodum: sed  
 omnia in communem vtilitatem collaturum.*

*Qui vero secus fecerit, is aqua statim, atque  
 igni interdictus esto. deinde hostis declarator,  
 eius bona publicantur, ad suos Thraces exter-  
 minator. nam cum ita primum volentes in vnā  
 sententiam sua voluntate animos suos obstrin-  
 xerint: hoc deinde metu liberi securius in offi-  
 cio suo permanebunt. ne gregem tuum Pastor  
 sanctiss. deserat, omni custodia illum ab isto im-  
 pio lupo comunias, atque tueare: satis. n. su-  
 perq; barbari enses sanguinem Christianum im-  
 biberint. satis eius seruitutis crudeliss. iugum  
 tui perpeffi sint. satis in Christianam religio-  
 nem Thracica superbia impune grassata sit.*

*Ac; ne quid omittam, quod ad rem pertinere vi-  
 deatur, atque illud ipsum, quod omnium est ma-  
 ximum, ac quo solo omnia recte confici possunt.  
 Te summe Deus: in cuius nutu omnia posita sūt,  
 rogo, atque oro, ut non nostra mortalium scele-  
 ra, non nostram indignitatem respicias: quibus  
 iam pridem ut qui nascentes peccatum nobiscū  
 efferimus, omnes ad vnum a te longissime ab-  
 alienati sumus: sed ut innocentiam tuam recor-  
 deris*

deris: qua nos per summos cruciatus, summum-  
 que opprobrium semel ab aternis pœnis libera-  
 sti, nos illos ipsos perditisti. à præsentī Lucifero  
 tuearis, ac propè ex eius faucibus eripias, ac si  
 nostra causa id facere negas, id tibi saltem ne  
 nega, qui nos affligens, hosti tuo crudelissi. qui  
 te ore, corde negans, re ipsa interficit, nihil gra-  
 rius facere potes. nos quidem à perturbationi-  
 bus transuersi agimur, verum ut ab ijs in me-  
 liorem sensum rediimus, tibi toto corde credi-  
 mus, te pleno ore fatemur, te sanctè colimus.  
 Tibi omnia tua ut omnium optimo damus arti-  
 fici. Effice summe Deus, ne semper ab isto in-  
 solentissi. atque superbissi. hoste illud verbum no-  
 bis calamitosum, tuæ verò magnitudini indignis-  
 simum audiamus. Dicite tandem Christiani,  
 ubi est vester Deus? Quin effice, ut contra  
 ipsi aliquando audacter respondeamus. Deus  
 noster, Deus est exercituum, qui superbos hostes  
 suos de regno dei cit, atque retundit. id, quod  
 per vos, si in hanc Christianam concordiam  
 Christiane cohibitis, efficiet.

F I N I S.





2  
1082 15







e

1082.15







